

秋萬物將零而薺麥乃生一如人也年將六十一身之中陰多陽少日衰一日若於此時幸有餘陽而行金丹之道能令陽復是謂返老還童也是謂長生久視也是之謂刑返爲德也二月子時斗之魁星臨於卯位罡星臨於巳上位屬東南主生爲德八月戌時斗之罡星據於酉地魁星臨於亥上位次西北主殺爲刑經云罡星指丑其身未所指者吉所在者凶餘位皆然此喻煉丹之功用也子南午北者顛倒五行也仙聖云五行順行法界火坑五行顛倒大地成寶所以水火互爲綱紀方能既濟也陽生於一成於九陽數至九則極極則復於一此謂一九之數終而復始含元虛危播精於子

道藏輯要

參同契  
上陽子注

堯

虛集三  
又又

者丹之神功在此兩句蓋虛危之次日月合璧之地一陽初生之方龜蛇蟠結之所故太一所含先天之元炁其真精遇子則播施此復應前章子五行始之義也世人但聞卯酉爲沐浴豈能明刑德之喻蓋德與生卽半時得藥之比刑與殺則頃刻失喪之喻是以入室之際直須防危慮險方可煉丹仙翁比爲春旺之時何物不生而榆莢死者德中防刑生中防殺也秋肅之候何物不凋而薺麥生者刑中有德殺中有生也是書歷歷而論種種而明者其主意之妙惟要得先天之炁爾

君子好述章第三十

關關雎鳩在河之洲窈窕淑  
女君子好逑雄不獨處雌不孤居  
玄武龜蛇蟠虬相扶以明牝  
牡意當相須假使二女共室顏色  
甚姝蘇秦通言張儀合媒發  
辯利舌奮舒美辭推心調諧合爲  
夫妻弊髮腐齒終不相知若  
藥物非種名類不同分刻參差失  
其綱紀雖黃帝臨爐太乙執  
火八公擣煉淮南調合立宇崇壇  
玉爲階陛麟脯鳳脂把籍長  
跪禱祝神祇請哀諸鬼沐浴齋戒  
冀有所望亦猶和膠補釜以  
礪塗瘡去冷加水除熱用湯飛龜  
舞蛇愈見乖張

仙翁直指金丹必須同類藥物一陰一陽必資交感一牝一  
牡方得化生倘獨居孤處安得化化之機若夫眾雌無雄豈

道藏輯要

參同契  
上陽子注

辛

虛集三  
八八二

有生生之道欲煉還丹必求先天一炁以成也此章句語直  
露不宜重述爲是書者乃泄天地造化之機倅乾坤生育之  
德煥日月合明之理漏陰陽逆施之功易曰與天地合其德  
日月合其明四時合其序鬼神合其吉凶先天而天弗違後  
天而奉天時天且弗違而况於人乎主此道者聖人也行此  
道者神人也此書在在處處天地神祇日月星辰雷霆萬神  
常切扈衛上賢敬受誦至萬遍仙真降庭告以上道若彼下  
愚妄生謗毀則有神鬼陰錄其過註於黑籍小則惡病纏身  
大則黑司促筭徒爲幽陰之鬼長墮苦海之中福善禍淫昭  
然毋忽